

遼陽

王育民先生暨
德配郝太夫人

七十
壽言

王克勤
敬署

詩

類

育翁世伯王老大人六秩晉九暨德配

郝太夫人七旬雙壽大慶

遼陽昔號古襄平鍾靈毓秀壽耆英老椿盤鬱森千尺萱花茂
暢燦瓊瑛丹桂五株交枝柯庭階欣欣以向榮家聲閥閱光門
第此何人哉蜚鴻聲遼邑迤北黃金村王公巨室湛天恩人生
七十古來稀六旬晉九世所尊德配遐齡臻七旬雙壽榮慶登
龍門

封翁壯志報勝朝甲午之役曾宣勞糧餉轉運厥功偉琴堂獎
叙聖恩褒惟是時遭兵燹困人民流離飢饉甚

封翁目擊心已傷已溺已飢直自任捐粟四百石之多慈祥愷

梯以爲賑沙河汜濫水橫流十四村屯居下游牒請大府築長
隄先民之憂而爲憂築隄衛田數千頃比歲豐稔惠澤周復請
撥帑訖完固從此頌聲播千秋繫維民國六年春製旗懸額氣
象新旋經庚子萑苻擾攘辦團練靖烟塵甲辰之際盜賊熾保
甲倡辦捍閭里武事旣備文學崇捐輸鉅貲於村中創設學校
育英才培植千人著鴻功粵若德配嫺文史涵仁沃禮善與同
雙星呈瑞耿南極蒼松古栢聳華嵩康樂安寧登上壽皓首駒
眉雙慶隆最羨燕山桂樹榮紫荊花開臨惠風躋彼華堂稱兕
觥天倫樂事冠遼東

愚侄 遼中稅捐局局長袁貴麟叩祝

戊辰冬十一月初三日爲

育民王老封翁六秩晉九暨

德配郝太夫人七旬雙壽良辰

國華

恭逢斯盛無量頌欣爰不

揣謏陋謹效柏梁體撫長什以祝之曰

黑水白山鴨綠江東陞文物古雄邦鍾毓尤在遼之陽先生嵩
降黃金鄉生而軒疑冠儕行長習蕭曹法律詳甲午東征轉餉
糧表荐司馬領琴堂戰後艱食歲比荒公獨倡振開積倉活民
仁粟興義漿村旋被水勢汪洋公能築隄固金湯已飢已溺視
如傷庚子甲辰寇猖狂公聚健兒聯團防閭閻安枕無跳梁捐
貲朔學傾廉囊迄今培植廿年強千餘子弟列序庠萬姓謳歌

感莫忘懸額樹幟頌賢良德配名門淑且莊相夫訓子里族揚
詰嗣有五競齊芳蘭茁玉秀門楣光燕山寶氏稱義方漢萬石
君婉世昌欣逢今日壽筵張懸弧設悅交輝煌子孫貴顯笏滿
牀來賓三千皆趨踰白髮齊眉健而康此真福祿老鴛鴦南極
星明放彩芒瑤池蟠桃飄異香羣仙飛雲五色翔或騎麒麟翳
鳳皇麻姑獻瑞纖甲長天花繽紛玉女筐筵前歌舞奏笙簧容
光炫麗聲鏗鏘賀客盈庭旨酒嘗交錯履舄駢冠裳我今摠衣
登華廊滿斟玉醴稱金觴醉揮椽筆草詩章其辭維何大吉羊
個眞積善有餘慶君子萬年壽無疆

河流汎濫吾其魚伊誰保障奠厥居封翁請帑不躊躇以工代
賑河患除光增綽楔耀里閭口碑載道有令譽庚子亂後寇附
疽蝸蟾沸羹卹爲墟封翁慨然害爲鋤國防籌箸民困據盈門
桃李陰扶疏廣開蠶舍殷啓予郝母家風信不虛相莊眉案肅
環琚生子彬彬澤詩書燕山五桂嘉祥嘯小春官閣梅蕊舒壽
筵高敞停高車我有頌來禱樂餘爲歌天保誦九如

參議院議員愚侄
蓋平稅捐局長 謝書林拜賀

稱觴旨酒勝新豐葡萄椒花味不同先生之壽與德崇田歌途
語皆從風膠庠幼讀擅天聰稍壯投筆擢軍功戰餘赤地遍哀

鴻洪荒汎濫田廬空天災人禍歎數窮獨障一方有我公捐粟
築堤任怨恫瞬息頌德聲隆隆庚子萑苻起氛霧袁公連防氣
如虹頃刻掃盡沙與蟲建設鄉校重養蒙德配嫺文主閭中燕
山五桂畢青葱籌添海屋曉色紅聊吟俚句當呼嵩

愚侄
趙爲敬祝

五福壽居首七十古所稀況復莊鴻案極婺聯光輝觥觥王封
翁投筆事封侯大吏嘉其賢懋賞渥且優兇年值饑饉人民苦
流離願捐鶴俸資爲此哀鴻施閭里罹澹災田園慨淪胥障川
而東之富歲歌有餘泊乎庚子年大地復騷然捍衛靖萑苻策

畫計安全捐資興教育寒峻皆歡顏白裘與杜廈立懦而廉頑
公配郝夫人禮法出名門克相其夫子無間於人言玉樹滿庭
階蘭枝門芳妍東公與西母含笑畫堂前樂奏長生曲花開並
蒂奇高年受天祚敬上岡陵詩

愚侄 那霽夫敬祝

衍水灝澄清千山翠若黛靈地篤賢豪惠澤桑梓戴童卯好讀
書聰穎冠儕輩屢試用不售學吏心所慨甲午轉軍精功績榮
榮在兵禍連饑饉輸粟流離賑汜濫患沙河田園等餘燼倡議
築長隄胼胝所不吝頌德與歌功千秋昭大信德配嫺文史壺

範宣文似五桂秀階庭關睢兆麟趾古稀舉綵觴八千以爲紀

愚侄

馮廣民拜祝

恭祝

王育民封翁六旬晉九暨德雙郝太夫人七旬雙壽詩

并序

中華民國紀元之十七年歲在戊辰夏歷十一月初三日爲

王老伯父育民六旬晉九暨

德配王老伯母郝太夫人七旬雙壽榮慶值茲

令誕稱觴介壽

濟東

不文謹歌七古一章以祝嘏焉其詩曰

遼陽城北黃金屯歷代以來有聞人今之大連關處長瑯琊望
族邁等倫政聲以由等倫邁昆季早聆庭幃戒學詩學禮裕韶
年夙夜在公乃匪懈豪傑由來應運生不爲國榦爲家植我伯
聰穎冠儕輩早年已自負盛名甲午中東開戰豐轉餉好以風

雷迅飛芻輓粟給孤軍關中相國心相印戰後人民多流離慷慨捐粟甘如飴地鄰沙河復汜濫倡築障澤並忘疲嗽鴻哀雁獲生全慈航普渡乘金蓮爲魚幸免功德遠我伯春秋應八千比年豐稔歌大有獎以銅章與墨綬早視富貴等浮雲功成不居辭弗受復有德配相

封翁家法每與鍾氏同熊丸課子資辛苦聯芳五桂振家風家風不振年復年桂子蘭孫瓜瓞緜翩翩濁世佳公子從政惟以才行先年屆古稀復齊眉蒼松翠柏含英姿岡陵獻頌歌天保上壽百年相與期

鐵嶺縣知事世愚侄李濟東鞠躬拜撰

前察哈爾沽源縣知事黃凌雲鞠躬敬書

從來大壽稱彭祖歲月延長邁今古乃猶遺憾抱終身不聞妻
壽與爲伍獨有

育民王封翁能將美善備厥躬非僅一身綿壽筭更忻德配與
之同齊眉齊壽洵嘉耦生卜天長與地久

封翁疑是東王公德配可比西王母君子偕老慰倡隨宛
如鄴犢配連眉伉儷和諧臻平格家庭有此足稱奇綜將熾蹟
從頭述懿行徽音能相匹施來大德濟萬民得符媯汭獲三必
緬維捐粟賑饑黎復捍水患築長隄力靖萑苻衛桑梓創籌學

校捨朱提

太夫人郝氏稱賢淑簪佩幽閒尤靜肅嫺文沃禮慈訓垂佐夫
持家致雍睦合觀夫嬪俱完人推原得壽由得仁百年敬好如
鸛鵲一庭風化協睢麟培成五桂皆環異綵衣舞效老萊戲亥
字同增二首疑丁躬堪號兩人瑞牽織雙星耀德門華實並茂
景椿萱曆週甲子濟三壽易筮乾坤贊二元戊辰復月初三日
恭逢懸弧設悅吉連理枝下沸笙歌特敞華筵慶七秩詩賡福
祿賦鴛鴦圖呈綺彩繪鸞凰共羨鶴籌添海屋競歌燕喜侑霞
觴躋堂賀客多於鰓雜陳水陸備殽核松喬聯翩進壽儀麻姑
下降列瑤席我循周禮獻羅鳩拜祝庭幃日月優願茲千華山

挺秀更偕遼左水長流

愚晚
經璞謹祝

蒼蒼千華山蕩蕩遼之水仁者鍾靈氛熾行殊可紀伊昔歲甲
午倭夷寇東鄙于役東征時運輸疾若矢懋績敷王庭酌勳榮
青紫兵後輒凶年飢饉嘆轉徙乃發千斛粟授苦若赤子所居
十四村咫尺河之涘橫流漂田廬巨患靡有底一再牒大府築
隄三十里萬頃沃腴田宛在稼雲裏頌聲騰里閭舞蹈不能已
明明功德旗局額肅瞻視上有不朽詞煌煌志清美粵維庚子
役萑苻肆紆宄練團捍衛功炳然在桑梓乃復詠菁莪滿村垣

桃李捐資獨裁成寒峻爰崛起春風化雨心高山衆仰止歆歎
太夫人柔嘉契蘭芷旣已秉溫恭亦復嫺文史齊眉安足多畫
荻自可儼佳氣鬱充閭厚德滋福履荆花雛鳳鳴玉階駢麟趾
易曰積善家餘慶乃有此仁人壽而康自然享高齒萊觴值佳
辰冬日彌可喜娟娟松柏姿的的梅花蘂人天春正長極燭光
倍蓰爲晉南山杯蒿呼一翹跂

愚侄 鄭士純拜祝

兩大乾坤協雙星福祿全農桑先世業詩禮舊家傳嶽降洵如
是嵩生豈偶然崢嶸頭角露聰穎歲華妍課讀牙籤富談經復

笥便三冬期足用一第埃高遷小試牛刀割偏無鶚薦緣關中
曾轉餉堂上擬鳴絃救涸憑蘇鮒銘助待勒燕築隄消水患除
暴靖烽煙滿座春風溥千間廣廈聯令名垂在後德配助居先
沃禮涵仁度持家訓子篇齊眉梁孟趣同體鮑桓賢矍鑠精神
健徽柔德性堅玉皇案香吏金母大羅仙桂子升堂選蘭孫舞
綵鮮長春融錦里化日駐華筵稱兕介眉日扶鳩偕樂年古稀
欣祝嘏岡阜頌緜緜

世晚
楊慶春謹祝

卿雲冉冉光爛縵木公之精下天半霓裳羽衣沓衆仙雪花團